

藥

品

化

義

藥品化義卷六

鴛洲賈所學九如軒著

趙郡李延是期叔補訂

肺藥

沙參 屬陰中有微陽 體輕 色肉白皮淡黃

氣和 味微苦 性涼 云寒 能升能降 力清

肺 性氣與味俱輕 入肺肝二經

沙參色白原名白參體輕虛味微苦氣味皆清爲清
中清者專入肺經經曰肺苦氣上逆以此清順其氣
肺性所喜卽謂之補主治久嗽痰逆鼻塞熱壅皮膚

燥瘁失血病久。此皆補陰而制陽也。蓋肺與大腸爲表裏。以此使肺清而大腸受癥。故腸紅下血久者。皆得而不妄泄矣。又肺金清則不剋肝。而肝氣得養。用治血積驚煩心腹結熱。能益陰血。邪氣自寧。所以肺寒用人參。肺熱用沙參。迥然而別。

北地沙土所產。故名沙參。皮淡黃肉白。中條者佳。南產色蒼體匏。純苦。另有粉沙參。味甘。俱不堪用。石斛屬陽中之陰。體輕。色如黃金。氣和。

味苦。性涼。能浮能沉。力養肺。性氣與味。

俱清。云味厚非入肺腎胃三經。

石斛生於石巖。不涉沙土。色如黃金。象肺之體。氣味。

經清合肺之性。性涼而清。得肺之宜。丹家云。肺名嬌。臟獨此最爲相配。主治肺氣久虛。咳嗽不止。邪熱癆子。肌表虛熱。其清理之功。不特於此。蓋肺出氣。腎納氣。子母相生。使肺金清。則真氣旺。順氣下行。以生腎水。強陰益精。更治囊濕精少。小便餘瀝。且上焦之勢。能令熱氣委曲下行。無苦寒沉下之弊。併善長肌肉。厚益腸胃。誠仙品也。

產溫州。體短色黃。狀如金釵者佳。川產體長味淡者次之。

甘菊 屬陰中有陽 有土與金水 體輕 色有白有黃

氣清香 味白者微苦黃者苦重 性涼 能升

能降力清肺性氣與味俱清入肺肝心三經

甘菊得秋氣之深應候而開受金正氣秋金本白故取白色者其體輕味微苦性氣和平至清之品經曰治濕以清凡病熱退其氣尚澀以此同桑皮理頭痛除餘邪佐黃芪治眼昏去翳障助沙參療腸紅止下血領石斛扁莖明目聰耳調達四肢是以肺氣虛須用白甘菊如黃色者其味苦重氣香散主清肺火凡頭風眩暈鼻塞熱壅肌膚濕痺四肢遊風肩背疼痛皆錄肺氣熱以此清順肺金且清金則肝木有制又

治暴赤眼腫目痛淚出是以清肺熱須用黃甘菊古
來未悉此義子姑訂之以俟同志辨正

菊種甚多擇家種氣清香者長
陰處臨用去蒂山野者不堪入

山藥

屬陽

有土與
金水

體輕

色白

氣微香 味

甘

性溫

能浮能沉

力補肺脾

性氣與味

俱薄

入肺脾腎三經

山藥生者性涼熟則化涼爲溫所以古方特加一乾
字其色純白專入肺部溫補而不驟微香而不燥循
循有調肺之功治肺虛久嗽何其穩當因其味甘氣
香用之助脾治脾虛腹瀉怠惰嗜臥四肢困倦又取

其甘則補陽以能補中益氣溫養肌肉為肺脾二臟
要藥土旺生金金盛生水功效相仍故六味丸中用
之治腎虛腰痛滑精夢遺虛怯陽萎但性緩力微劑
宜倍用

產淡慶氣香色白者良西產者次之生搗爛敷傷
寒發厥及凍瘡甚妙同生蜜搗便毒立消

百合 屬陽 體乾 色白 氣清香 味甘 帶苦者次

性平 能升 力補肺 性氣與味俱清 入肺

心膽三經

百合體類象肺色白性平專入肺部主治肺熱咳嗽
痰中帶血必不可缺至若肺勞嗽痰咳久痰火同意

米補肺收功擊其墮歸之神藥也取其味甘而不甜
氣香而不竅又能補中益氣和合百脉蓋肺爲百脉
之宗也服之令心氣懽和安神益膽調養五臟皆在
其中神景定百合湯治傷寒壞證東垣製中和飲治
百病用之爲君良有意也

取色白大科名雖香百合爲佳別名
夜合用治肺虛須夜服之順其性也

桑白皮 屬陽 體輕 色白 氣和 味甘而淡

云辛云苦 性平 云寒云 能升 力清肺氣

酸皆非 燥皆非 性氣與味俱清 入肺大腸二經

桑皮皮主疏散味甘淡淡主於滲體輕色白專入肺

經疏氣滲熱。主治喘滿咳嗽熱痰唾血。皆錄實邪鬱
遏肺竅。不得通暢。藉此滲之散之。以利肺氣。諸證自
愈。故云瀉肺之有餘。非桑皮不可。又因皮主走表。以
此治皮裏膜外。水氣浮腫。及肌膚邪熱。浮風燥痒。悉
能去之。蓋治溫以清。此爲清中清品。同甘菊扁荳。通
臭塞熱壅。合沙參黃芪。止腸紅下血。皆有神効。

擇上白色者佳。如色
灰味苦者不堪用。

紫苑 屬陽中有微陰 體潤 色粉紫 氣和

味甘帶苦 性涼 云溫 能升能降 力清肺血

性氣清而味畧厚 入肺心肝腎膀胱五經

紫苑味甘而帶苦。性涼而體潤。恰合肺部血分。主治肺焦葉舉。久嗽痰中帶血。及肺痿痰喘消渴。使肺氣有清涼潤澤之功。因其色紫類肝。用入肝經。凡勞熱不足。肝之表病也。蓄熱結氣。肝之裏病也。吐血衄血。肝之逆上也。便血溺血。肝之妄下也。無不奏效。因其體潤。善能滋腎。蓋腎主二便。以此潤大便燥結。利小便短赤。開發陰陽。宣通壅滯。大有神功。同生地麥冬。人心寧神養血。同丹皮赤芍。入胃清熱涼血。其桑皮色白。為肺中氣藥。紫苑色紫。為肺中血藥。別宜而用。

去泥土。藥中有
白色者。揀出用。

款冬花

屬陰中有陽

云純陽非

體輕

色粉紅

氣

香

味微苦畧辛

云甘非

性平

云溫非

能升

力

寧嗽

性氣與味俱輕清

入肺經

冬花用蓋蓋乃發生之品含蓄未放生於冬而耐寒得一陽初動之氣開發生機且喜其味苦主降氣有主散一物而兩用兼備故用入肺部順肺中之氣又清肺中之血專治咳逆上氣煩熱喘促痰涎稠粘涕唾腥臭爲諸證之要劑如久嗽肺虛尤不可缺

取紫花者良去蒂根用

馬兜鈴

屬陰

體輕飄

色灰白

氣平

味微

苦 性涼 能升 力涼肺氣 性氣與味俱輕

清 入肺經

馬兜鈴體質輕氣味俱清凡輕清者上浮單入肺部
主治肺熱久嗽痰結喘促肺氣上急坐臥不安蓋嗽
久則肺虛肺虛則氣熱以此苦味者涼之降之使肺
熱去而嗽自止也盛後湖云肺熱久嗽喘促連聲不
絕者非此不除因其體輕升上直入腦囊主治腦漏

其葷如馬鈴取葉
扁子入煎劑用

麥門冬 屬陽中有微陰 體濡潤 色白 氣和

味甘 性涼 能浮能沉 力潤肺 性氣薄而

味厚

入肺心二經

麥冬色白體濡主潤肺味甘性涼主清肺蓋肺苦氣
上逆潤之清之肺氣得保若欬嗽連聲若客熱虛勞
若煩渴若促痰皆屬肺熱無不悉愈同生地令心肺
清則氣順結氣自釋治虛人元氣不運胸腹虛氣痞
滿及女人經水枯乳不下皆宜用之同黃芩扶金制
木治鼓脹浮腫同山梔清金利水治支滿黃疸又取
其四時葉清凌冬不凋長生之物同小荷錢清養膽
腑以佐少陽生氣入固本丸以滋陰血使心火下降
腎水上升成坎離既濟心腎相交之義

取大而晚自者
皆抽去心形

天門冬

屬陰中有微陽

體潤而重

色微黃

氣和

味苦蒂微甘

性寒

能浮能沉

力保

肺滋腎

性氣與味俱厚而濁

入肺腎二經

天冬本非肺部藥。爲肺出氣。氣有餘便是火。反尅肺。以此體潤性寒。最能保定肺氣。勿令火擾。則肺清。氣寧。凡肺熱極。痰火盛。以致肺焦葉舉。或咳嗽。或喘急。或吐血。或衄血。或風熱。或濕痺。俱宜用之。此皆保肺之功也。又取其味厚苦寒。俱屬於陰。因腎惡燥。以寒養之。腎欲堅。以苦堅之。故能入腎。助元精。強骨髓。

生津液止消渴潤大便利小便此皆滋腎之力也但肺寒及脾虛者禁用

取大而肥者佳打扁去心用

杏仁

屬陰中有微陽

有火與金水

體潤

色白

氣

和

味苦畧辛

性涼

云溫云熱皆非

能浮能沉力

破氣潤燥

性氣薄而味厚

入肺大腸二經

杏仁味苦畧辛辛能散結破氣苦能利下潤燥色白

入肺主治暴感風寒發熱咳嗽氣逆喘促小兒風熱

疹子蓋病由客邪犯肺以此佐風藥發散則氣清肺

寧矣因其味濁主沉以能墜痰治喉痺不通以能下

氣潤大腸結燥蓋肺與大腸爲通道如老年便秘以此同桑皮紫苑宣通澀滯妙甚其桃仁療狂用治破血除血分之燥杏仁下喘用治破氣除氣分之燥當別而用

去皮火用不宜火炒如
雙仁及蜀椒者勿入藥

五味子

屬陽中有陰

形具五行

體潤

色蒸紫黑

性

氣香而澀

味肉酸皮甘核中苦辛而鹹

性溫

能升能降

力斂肺固氣

性氣與味俱厚

入

肺腎二經

五味子五味咸備而酸獨勝酸能收斂肺氣主治虛

勞久嗽。蓋肺性欲收。若久嗽則肺焦葉舉。津液不生。虛勞則肺因氣乏。煩渴不止。以此斂之潤之。遂其臟性。使咳嗽寧。精神自旺。但嗽未久。不可驟用。恐肺火鬱遏。邪氣閉束。必至邪散火清。用之收功。早因其色黑味厚入腎。若元氣不足。腎精不固。久瀉久痢。以此收其散氣。則能強陰益精。腸胃自厚。其力勝味倍。每劑常用十數粒。多至二十粒。若小兒食乳多痰。恐酸能吊痰引嗽。忌之。

北產肉厚有力者佳。南產者次之。

訶子

屬陰

體乾

氣和

味苦重微酸帶澀

性寒 能降 力開竅清音 性氣輕而味重濁

入肺大腸二經

訶子味苦而帶酸澁能降能收兼得其善蓋金空則
鳴肺氣爲火邪鬱遏以致吼喘咳嗽或至聲啞用此
降火斂肺則肺竅無壅塞聲音清曉矣取其澁可去
脫若久瀉久痢則實邪去而元氣脫用此同健脾之
藥固澁大腸瀉痢自止但苦能泄氣真氣太虛者宜
少用之

取六錢黑色者佳麩包
藥浸火煨熟去麩用

烏梅 屬陰 體潤 色製黑 氣和 味酸 性

寒 能升能降 力收肺溢腸 性氣與味俱重

而濁 入肺胃大腸三經

烏梅味酸主斂肺性所喜用入肺經治久嗽熱嘔夜
間煩渴口無津液皆收斂之功也其大腸爲肺之外
臟以此同補脾藥止久瀉固結元氣有壯神之力也
又能安蛔蟲腹痛蓋蟲遇酸則靜耳若咳嗽初起氣
實喘促胸膈痞悶恐酸以束邪氣戒之

阿膠 屬陰 體潤 色黑綠 氣腥 味微苦

性平 能降 力補血液 性氣與味俱厚濁

入肺肝腎三經

阿膠用黑驢皮取北方玄武之義。又用山東東阿井水煎成爲膠。其水係濟水所經。性急下趨。清而且重。專入肺部。以清炎上之火。逆上之痰。治虛勞咳嗽。痰中帶血。因其性氣和平。力補血液。能令脈絡調和。血氣無阻。善治崩漏帶下。爲安胎聖藥。及痢疾久虛。骨蒸內熱。入腎以潤水。入肝以清火。女人血枯。男子精少。無不奏效。

沙參主助肺。爲清熱補陰之品。
石斛主益肺。爲清氣強腎之品。
甘菊主清脈。爲和氣明目之品。

山藥主補肺爲助氣健脾之品
百合主養肺爲補氣和中之品
桑皮主利肺爲疏氣滲熱之品
紫苑主滋肺爲涼血潤燥之品
款花主安肺爲順氣寧嗽之品
堯鈴主涼肺爲抑氣止嗽之品
麥冬主潤肺爲涼氣生津之品
天冬主保肺爲平氣滋腎之品
杏仁主抑肺爲破氣利膈之品
五味主斂肺爲固氣益精之品

訶子主泄肺爲清音澁腸之品
烏梅主收肺爲止嘔除煩之品
阿膠主調肺爲養榮安胎之品

藥品化義卷七

鷺洲賈所學九如輯義

趙郡李延是期叔補訂

腎藥

玄參 屬陰 體潤 色黑 氣和 味微苦帶微

鹹略甘 性涼 能降 力滋陰 性氣輕而味

濁 入腎經

玄參色黑原名黑參得玄水之象味苦鹹沉下用人
腎臟戴人謂腎本寒虛則熱如縱慾耗精真陰虧損
致虛火上炎以此滋陰抑火及頭疼熱毒耳鳴咽痛

喉風癩癧傷寒陽毒心下懊憹皆無根浮游之火爲
患此有清上徹下之功凡治腎虛大有分別腎之經
虛則寒而濕宜溫補之腎之臟虛則熱而燥宜涼補
之獨此性涼體潤色黑滋腎功勝知柏特爲腎臟君
藥

取大而肉堅黑潤者佳去蘆頭用

龜甲 屬純陰有水土與金 體堅 色內白外膚皮有

黑有黃 氣羶臭 味鹹 性寒 能沉 力補

陰 性氣與味俱厚 入腎肝二經

龜甲龜之性喜靜常居土中近水澤遇陰雨則出行

其頭常縮。眼耳口鼻皆伏於地。得地之陰氣最厚。取其底甲純陰氣味厚濁。爲濁中濁品。專入腎臟。主治咽痛口燥。乾喘咳嗽。或勞熱骨蒸。四肢發熱。產婦陰脫。發躁。病繇腎水虛。致相火無依。此非氣柔貞靜者不能息。其炎上之火。古云至靜而能制。群動誠爲妙理。又取其汁潤滋陰。味鹹養脈。主治朝涼夜熱。盜汗遺精。神疲力怯。腰痛腿酸。癱瘓拘攣。手足虛弱。久瘡自枯。小兒顛顛不令。病繇真臟衰。致元陰不生。非此味濁純陰者不能補其不足之陰。古云寒養腎精。職此義耳。

取甲中血筋多，滋潤厚大者佳。用鐵絲作帚洗刷，筋膜極淨，以酒潤之，炭火緩炙，至脆爲度。如煎膠，用倍有力，但脾虛者恐滑腸，慎之。醫者仁術，恐傷生命，鹿取自解之，所適用灼過之甲，故名敗龜板。奈有誤作自取者，不想病龜乃爲自欺，甲必枯癯，不惟無益，而反有損，特爲訂正。

枸杞子 屬陽中有陰 體潤 色紫 氣和 味

甘 性平 云微寒云 溫皆非 能沉 力補腎 性氣薄

而味濃 入腎肝二經

枸杞體潤滋陰，入腎補血，味甘助陽，入腎補氣，故能明目聰耳，添精髓，健筋骨，養血脈，療虛損，勞怯，骨節痛風，腰痛膝腫，大小便少，種凡真陰不足之證，悉宜用之。又因色紫類肝，更能益肝，起男子陰痿，女人血

枯體味濃厚有九爲峻補之神劑蓋人參固氣令精不遺枸杞滋陰使火不洩二品相須而用

甘州枸杞體潤圓小核少色紫味甜者佳如體枯粒大色赤點味淡者不堪南產者味苦不用

菟絲子屬陽中有陰體細色蒼氣和味

甘淡云辛非性微溫能浮能沉力補腎脾

性氣薄而味厚入腎脾二經

菟絲子蔓延草上無根假氣而生疑仲春正陽之氣方始結實稟氣中和性味甘平取子主於降用之入腎善補而不峻益陰而固陽凡滑精便濁尿血餘瀝虛勞傷腰膝積冷頑麻無加皆錄腎虛所致以此

補養無不奏效。又因味甘能助脾療脾虛久瀉。飲食不化。四肢困倦。脾氣漸旺。則衛氣自冲。肌肉得養矣。

苗如絲。子色類兔。用水淘淨沙土。酒煮熱。晒乾。爲末。作餅用。取性鏡而滑。治橫生逆產最效。

牛膝 屬陰 體潤 色黃 氣和 味甘帶澁畧

苦 性涼 能沉 力滋陰活血 性氣與味俱

厚濁 入腎肝二經

牛膝味甘能補帶澁能斂兼苦直下用之入腎益腎
主閉藏澁精斂血引諸藥下行生用則宜主治癥閉
管澁白濁莖痛瘀血阻滯癥瘕凝結女人經閉產後

惡阻取其活血行下之功也酒製熟則補主治四肢拘攣腰膝腿疼骨節流痛瘧疾燥渴濕熱痿痺老年失溺取其補血滋陰之力也若鴻痢脾虛而腿膝酸疼及孕婦皆不宜用

取川產長而肥潤者佳去蘆根用

杜仲 屬陰中有微陽 體乾 色紫 氣和 味

苦 云辛云甘皆非 性涼 云溫 能降 力補腰膝 性

氣薄而味厚 入腎肝二經

杜仲味苦沉下入腎蓋腎欲堅以苦堅之用此堅腎強壯筋骨主治腰脊酸疼脚膝作痛陰下濕癢小

便餘瀝東垣云功效如神應良不爽也又因其體質
拆之內如絲綿連續不斷能補肝虛使筋骨相着治
產後交骨不合及胎產調理跌蹠損傷所謂合條骨
之離莫如杜仲是也蓋牛膝玉下部血分杜仲玉下
部氣分相須而用

取厚而潤者佳刮去粗皮切片
拌入鹽水浸火炒斷絲為度

鹿角膠 屬純陽 體潤 色黑明亮 氣腥 味

為鹹 性溫 能浮能沉 力補腎精 性氣與

味俱厚濁 入腎肝二經

鹿角膠鹿乃純陽之物其頭常向尾善通督脈其精

角膠主補腎爲壯精益血之品
骨脂主煖腎爲溫經止瀉之品
菴蓉主壯腎爲扶陽固精之品

藥品化義卷七

藥品化義卷八

鴛洲賈所學九如輯著

趙郡李延是期叔補訂

痰藥

橘紅 屬陽中有微陰 體乾 色黃 氣雄微香

味辛帶苦 性溫 能升能降 力散結利氣

性氣重而味清 入肺脾二經

橘紅味辛帶苦。辛能橫行散結。苦能直行降下。爲利氣要藥。蓋治痰須理氣。氣利痰自愈。故用入肺脾二經。一切痰病。居諸痰藥之上。佐竹茹以療熱。配助青

皮以導滯氣同蒼木厚朴平胃中之實合葱白麻黃
表寒濕之邪消殺氣解酒毒止嘔吐開胸膈痞塞能
推陳致新皆辛散苦降之力也

獨紅即廣陳皮去白功
用各別取其力勝故也

貝母 屬陰中有微陽 體滑膩 色白 氣和

味苦帶微辛 性涼 云微寒非 能降 力清痰 性

氣與味俱厚而清 入心肺二經

貝母味苦能下氣微辛能散鬱氣味俱清故用入心
肺主治鬱痰虛痰熱痰及痰中帶血虛勞咳嗽以脇
逆氣煩渴熱甚此導熱下行痰氣自利也取其下氣

則毒去散氣則毒解用療肺痿肺癰咽痛喉痺癰瘡
痰核癰疽瘡毒此開鬱散結血脈流通也又取其色
自體變象肺性涼能降善調肺氣治胃火上炎衝逼
肺金致痰嗽不止此清氣滋陰肺部自寧也

取川產者佳去心用
浙產者解毒亦効

半夏 屬陽中有微陰 體燥 色白 氣和 味

大辛微苦 性熱而烈 能降 力燥濕痰 性

氣與味俱濕 入脾胃膽三經

半夏非專治痰藥也味辛能散結性燥能去濕脾家
所喜蓋痰者濕土不運而成東垣云大和脾胃氣治

其本也。主療痰厥、咳逆、頭痛、頭眩、腸鳴、痰瀉、痰瘧。誠快劑也。若嘔家必用半夏，以其性燥，善能去水。水去則嘔止。又能溫膽，蓋心驚膽怯，由於痰聚經絡，膽氣不得上升，以此熱痰，膽氣自平。孕婦頭暈嘔吐，名惡阻，繇胃氣怯弱，中脘停痰所致。以此化痰滯而健脾，須用黃芩等藥監之。傷寒時氣，大小柴胡湯中皆用半夏，善却半表半裏之邪。如邪氣傳裏，裏熱已深者，又勿宜用，恐其性燥，損血耗津，慎之。

禮云五月半夏生，當夏之半，故名之。入水浸透，內無白星爲度。和人生薑明礬煮熟，器乾切片用。

天花粉 屬純陰 體潤肥大 色白 氣和

微苦 性微涼 能降 力清熱痰 性氣薄而

味厚 入肺心二經

花粉味苦性涼純陰之品專清膈上熱痰熱痰緣肺受火逼失其降下之令此善導上焦之火下行使肺氣清則聲音頓發胃熱減則消渴卽除唇乾口燥潤其津液自止熱癰諸毒和其血脈必消療煩滿祛黃疸內外同歸清熱下乳汁調月水上下總是行津但脾氣虛寒者忌之若汗下亡陽作渴亦不宜用

南產肥白者佳天然有花
文故名之黃黑者不堪用

南星 屬陽中有微陰 體乾燥 色白 氣雄

味大辛微若。性熱而急。能升能降。力豁風痰。性氣與味俱濁。通行十二經。

南星味辛烈。能散復能燥。氣雄猛。能通復能開。故力豁風痰濕痰。主治暴中風不省。古來論中風者不一。曰濕曰火曰痰。總之濕蘄生火。火盛生痰。痰火相搏而成風之象。有痰涎壅盛。口眼喎斜。手足癱瘓。半身不遂諸症。以此開痰破結。則風搖火焰之勢自然而息。若濕痰橫行經絡。壅滯而不通。致語言費力。呵欠噴嚏。頭目眩暈。頸項痰核。肩背酸疼。雙臂作痛。兩手軟痺。爲患多端。以此導其痰。則諸症悉愈。但辛燥之

藥不宜多用

體中者佳。最大者。另名鬼羊不用。
和入生薑。白礬。皂莢。煮熱晒乾。

瞻星 屬陽中有陰 體乾 色黃 氣和 味微

辛而苦 性涼 能升能降 力清驚痰 性氣

薄而味濃 入肝膽二經

瞻星意不重南星而重膽汁。借星以收取汁用。非如
他藥監制也。故必須九製。則純是汁。色染為黃。味變
為苦。性化為涼。專入肝膽。經云。肝為將軍之官。十一
臟取決於膽。是以肝膽之氣一發。週身無處不到。假
膽以清膽氣。星以豁結氣。大能益肝鎮驚。主治一切

中風風癰驚風頭風眩暈老年神呆小兒發搐產後
怔忡爲肝膽性氣之風調和之神劑也本草言其功
如牛黃者卽膽汁之精華耳

臘月用牛黃胆汁以兩星末收
之尚丸逼入胆內掛簷陰乾用

瓜蒌仁 屬腸中有陰與水 體潤而滑 色肉白

末青 氣和 味甘云苦 性平云寒 能降

力利熱痰老痰 性氣薄而味澀 入肺大腸二
經

瓜蒌仁體潤能去燥性滑能利竅凡薄痰在膈易消
易清不必用此若鬱痰濁老痰膠頑痰勒食痰粘皆

滯於內不得升降致成氣逆胸悶咳嗽煩渴少津或有痰聲不得出藉其滑潤之力以滌膈間垢膩則痰消氣降胸寬嗽寧渴止津生無不奏效其油大能潤肺滑腸若火邪燥結大便以此助苦寒之藥則大腸自潤利矣。

入丸去壳夾粗紙敲壓二三次畧去其油又勿多壓夫其體潤。

白芥子 屬陽 體細而銳 色白 氣研碎雄

味大辛辣 性溫 能降橫行 力散結痰 性

氣與味俱銳 入肺經

芥子味辣橫行甚捷體細通利甚銳專開結痰痰屬

熱者能解屬寒者能散痰在皮裏膜外非此不達在
四肢兩脇非此不通若結胸證痰涎邪熱固結胸中
及咳嗽失音以此同蘇子枳實瓜蒌杏仁芩連爲解
熱下痰湯誠利氣寬胸神劑

揀淨沙土畧炒性
緩生則力猛附用

蘇子 屬陽 體細而銳 色黑 氣炒研微香

味微辛 性溫 能降 力利膈痰 性氣與味

俱畧厚 入肺經

蘇子子主降味辛氣香主散降而且散故專利鬱痰
咳逆則氣升喘急則肺脹以此下氣定喘膈熱則痰

壅痰結則悶痛以此豁痰散結經云膈中爲上氣海如氣鬱不舒及風寒客犯肺經久遏不散則邪氣與真氣相持致飲食不進痰嗽發熱似弱非弱以此清氣開鬱大有神効

揀淨畧炒研用不宜隔宿野蘇子不香者少炒

常山 屬陽中有陰

有土

體乾燥

色淡黃

氣薄

而宣

味甘微苦

性酷

云寒非

能升

力散痰

瘡 性氣與味俱薄

入脾經

常山 體根根主升氣味俱薄薄主上行故獨能宣而主吐宣可去壅善開結痰凡痰滯於經絡悉能從下

湧上取其味甘色黃專入脾經而祛痰瘧蓋脾虛則
生痰肝虛則發熱若三日一發者爲三陰瘧俗名三
瘧是也以此同人參入小柴胡湯去痰平肝少用一
錢必不致於吐卽吐爲解散使風散食消一二劑自
愈若不速治因循延次則風暑與食合爲痰涎流滯
經絡名爲老瘧則風暑入陰在臟宜用血藥引出陽
分而後以此截瘧第因常山氣味薄而性升上上必
湧吐恐爲暴悍特用酒製助其味厚又佐以兵柳爲
使沉降逐痰下行加知母益陰貝母清痰共此四味
爲截瘧神方世嫌其性暴不能善用任瘧至經年累

月則太愚矣但勿多用及久用耶

取細實者佳忌雞肉茶茗葱醋初時如木無味煎膏味甘淡帶微苦氣味俱薄亦非劫藥。

竹茹 屬陰 體輕 色淡清白苦去外青 氣和 味

苦 性涼 能升能降 力降熱痰 性氣與味

俱輕 入膽胃二經

竹茹體輕輕可去實性涼涼可去熱味苦苦能降下
專清熱痰爲寧神開鬱佳品主治胃熱噎膈胃虛乾
嘔熱呃咳逆痰熱惡心酒傷嘔吐痰涎酸水驚悸怔
忡心煩躁亂睡臥不寧此皆膽胃熱痰之證悉能奏
効此一味名竹皮湯療陰陽易古人已驗之奇方

竹瀝 屬陽中有陰 體滑 色白 氣和 味甘

淡

性涼

云寒

能降

力行熱痰

性氣與味

俱清

入肺胃二經

竹瀝假火而成謂之火泉體滑滑以利竅滲灌經絡
中為搜解熱痰聖藥令胸中膈上四肢百脈皮裏膜
外靡不週到主治中風癱瘓語言蹇澀手足麻木及
顛癇驚狂經年痰火非此不能成功必藉辛以佐之
須加薑汁為功其力更勝又因其性涼長於清火極
能補陰用療血虛自汗消渴尿多及金瘡口噤胎前
產後凡陰虛之病錄於火燥以此滋之潤之則血得

其養矣。

竹種類甚多。取味淡者爲佳。嘗其笋可辨。

北方制澁。功用俱同。其力倍勝。

梨汁亦能開痰。潤燥止咳。若陰虛火盛。令人五液

乾涸。梨漿可以救急。生用涼五火。熟用滋五臟。解

酒毒。治傷寒。并痰。治中風。語澀不語。熱傷於絡。反喉

痛等症。任氣痰已深者。多服自能開爽。味酸勿用。

薑汁 屬純陽 體淋 色黃 氣雄 味辛辣

性熱而竄 能橫行而降 力行痰 性氣與味

俱烈 入肺脾二經

薑汁味辛辛可行滯大能橫行散氣開痰故竹瀝荆

瀝梨汁雖皆滑利之品然非薑汁佐之不能行痰以

此監制諸味豁痰利竅相須而用其味濃性竄只宜

他汁十分之一量加用之

海石 屬陰 體畧重 色灰白 氣和 味鹹

性涼 能沉 力化積痰 性氣輕而味重濁

入肺胃大腸三經

海石乃沿海間細沙水沫凝聚日久結成浮石火煨為粉。又名海粉。丹溪云。海粉即海石。味鹹能降火。又能軟堅。故力降熱痰。軟結痰。消頑痰。因其體淨。專主上焦心肺之分。咽喉之間。消化凝結。化痰丸中必用聖藥也。

海石。味鹹。體重。能堅。墜痰。入滾痰丸。治怪病。神妙。五。蓮子。味鹹。清女子血塊。逐男子痰毒。甚佳。

芫化辛溫逐飲大戟甘遂苦寒瀉水德治
積聚痰飲三品同人神祐丸用不入煎劑

皂莢

屬陽

有金

體輕

色成黑肉黃

氣雄竄

味大辛

性熱

能升

力搜頑痰通竅

性氣

與味俱烈

入肺胃大腸三經

皂莢味大辛。主升散氣雄竄。主癰竅。為搜痰快藥。凡
痰在腸胃間。可下而愈。若蓄於胸膈上。則橫入脂膜。
膠固稠濁。消之不能行。瀉之不能下。以致氣壅喘急。
甚則悶脹痛齊作。或神呆昏憤。或時常吐濁。但能坐
而不得眠。以此同海石為丸。每日少用數丸。橫散流
痰。使漸消化。搜出凝結。大有神功。又用為稀涎散治

中風不省急喉痺寒卽刻宜去頑痰爲急救聖藥

取小者名猪牙皂良微火炙軟刮去皮弦子用肉炙爲末爲散則宣上爲丸則下行大者勿用。

甜瓜蒂主宣性急上行爲瓜蒂散宣吐膈痰宿食

橘紅主諸痰爲利氣化滯之品

貝母主虛痰爲清熱開鬱之品

半夏主濕痰爲燥脾逐寒之品

花粉主熱痰爲止渴生津之品

前星主風痰爲破結通經之品

膽星主驚痰爲益肝涼膽之品

夔仁主老痰爲潤肺利膈之品

芥子主結痰爲寬胸行脇之品
蘇子主鬱痰爲利膈定喘之品
常山主積痰爲截瘧散邪之品
竹茹主熱痰爲涼膈寧神之品
竹瀝主火痰爲導熱補陰之品
薑汁主行痰爲通絡宣壅之品
海石主豁痰爲軟堅消結之品
皂莢主搜痰爲祛濁稀涎之品
驗痰法

寒痰清

濕痰白

風痰鹹

外感

熱痰黃

火痰綠

食痰粘

酒痰穢

驚痰結

鬱痰濁

虛痰薄

風痰涎

胆

老痰膠

頑痰靱

結痰悶

列驗痰法。庶辨寒熱虛實。舉其大畧。總新而輕者。痰色清白稀薄。久而重者。痰色黃濁稠粘。甚至膠韌凝結。茲略難出。漸成穢氣。變黑帶紅。則爲陰虛火痰。朝涼夜熱。

藥品化義卷九

鴛洲貴所學九如輯著
趙郡李延是期叔補訂

火藥

龍膽草

屬純陰

水

體乾

色灰帶紫

氣和

味大苦帶澁

性寒

能沉

力瀉肝火

性氣

與味俱厚

入肝膽胃三經

膽草秋開花得金令司權金能制木且味苦如膽故
專瀉肝膽之火主治目痛頸癢兩脇疼痛驚癇邪氣
小兒疳積凡屬肝經熱邪為患用之神妙其氣味厚

重而沉下善清下焦濕熱若囊癰便毒下疳及小便
澀滯男子陽挺腫脹或光亮出膿或莖中痒痛女人
陰癢作癩或發痒生瘡以此入龍膽瀉肝湯治之皆
苦寒勝熱之力也亦能除胃熱止蛔蟲蓋蛔得苦即
安耳但脾胃虛者少用

牛旁子 屬陰中有微陽 體小肉微滑 色肉白

衣青 氣和 味肉苦帶微辛 性寒 能升能

降 力解熱毒 性氣薄而味厚 入肝肺二經

牛旁味苦能清火帶辛能疏風主治上部風痰面目
浮腫咽喉不利諸毒熱壅馬刀瘰癧頸項痰核血熱

痘疹時行疹子皮膚癢疹凡肝經鬱火肺經風熱悉
宜用此

畧以鴉片別名
鼠黏又名惡膏

黃連 屬陰 體乾 色黃 氣和 味大苦 性

寒而清 能浮能降 力瀉心火 性氣薄而味

厚 入心脾肝經胃大腸六經

黃連味苦苦能燥濕而去垢性寒寒能勝熱而不滯
善理心脾之火凡口瘡牙疼耳鳴目痛煩躁惡心中
焦鬱熱嘔吐痞悶腸癖下痢小兒疳積傷寒吐蛔諸
痛瘡瘍皆不可缺入香連丸祛腸中積滯有厚腸之

功入吳茱丸除吞吐酸水有清胃之功此皆一寒一
熱陰陽相濟最得制方之妙若薑製以和其寒少變
其性引至熱所不至抵牾則能止嘔酒炒引上以清
頭目猪胆拌炒瀉肝膽火單炒黑用脾虛熱瀉獨爲
妙劑生用癰腫解毒尤其所宜但胃中停食及胃虛
作嘔傷寒下早致痞皆宜禁用

川產肥大內如
黃金色者佳

連翹 屬陰 體輕 色蒼 氣和 味微苦 性

涼 能升能降 力清三焦火 性氣與味俱輕
清 入心肺肝脾三焦膽胃諸經

遠翹氣味輕清體浮性涼浮可去實涼可勝熱總治
三焦諸經之火心肺居上脾居中州肝膽居下一切
血結氣聚無不調達而通暢也但遠翹治血分功多
柴胡治氣分功多同牛旁子善療瘰癧解痘毒尤不
可缺

犀角尖屬陽中有陰體重色本黃尖黑剉碎

則白氣香味苦帶微酸而鹹性涼能升

能降力清心膽性氣與味俱輕清入心肺

肝膽胃五經

犀角氣香屬陽主走散性涼屬陰主湧泄妙在陰陽

並用善清虛火上炎致吐衄妄行脾胃中蓄血凝滯
又取其味苦酸鹹恰合心神之性蓋心惡熱以苦涼
之心苦緩以酸收之心欲軟以鹹軟之且清香透心
以此益心神即能鎮肝氣一切心經肝膽之熱必不
可缺若小兒驚癇疳熱痘疹血熱尤爲聖藥

犀角用尖取力之精鏡在尖只紙包置饌中良
久水磨則易下調入力勝用對末煎服功淺

石膏

屬陽中有陰

有水

體重

色白

氣和

味淡帶微辛

性涼

云寒非

能沉能升

力涼傷

胃性氣薄而味濁

入肺胃大腸三經

石膏色白屬金故名白虎體重性涼而主降能清內

蓄之熱味淡帶辛而至散能祛肌表之熱因內外兼
施故專入陽明經爲退熱驅邪之神劑一切譫語發
狂發斑疹毒齒痛脾熱胃火皆能奏效如時氣壯熱
頭痛或身熱有汗不解及汗後脈洪而渴或暑月中
熱體痛頭疼汗多大渴或瘧久熱極渴甚咽痛口乾
舌焦是皆腸胃熱邪內盛蒸發於肌表藉此通解而
行清肅之氣若無汗而渴及小便不利併腹痛嘔瀉
飽悶皆宜忌之

取色白者良青色雜者別去各按帶生用多服則
體膩性飲醋調封丹爐甚於脂蓋青字取義如此
黃芩 屬陰 體有枯有實 性寒 氣和 味苦

性寒 能浮能降 力清熱 煙氣與味俱厚

入肺胃大腸三經

黃芩中枯者名枯芩條細者名條芩二品宜分兩用
蓋枯芩體輕主浮瀉肺胃上焦之火主治胸中逆
氣膈上熱痰咳嗽喘急目赤齒痛吐衄失血發斑發
黃痘疹瘡毒以其大能涼膈也其條芩體重主降專
瀉大腸下焦之火主治大便閉結小便淋瀝小腹急
脹腸紅痢疾血熱崩中胎漏下血挾熱腹痛譫語狂
言以其大能清腸也同枳實紫朴能消穀食因邪熱
不殺穀以此清胃則穀易消同柴胡退熱爲柴胡散

火之標以此折火之本同白朮安胎蓋白朮健腰但胎坐中宮氣不運行易生鬱熱以此清氣胎動自安用猪膽汁拌製入厥陰肝經以清抑鬱之火止胎前瘡寒戰振動不使墮胎

山梔 屬陰 體皮輕子潤 色黃帶赤 氣和

味苦 性寒 能升能降 力清肺胃 性氣輕

味重 入肺胃肝膽三焦胞絡六經

山梔色赤類火味苦降下以其體質輕浮從至高之分使三焦火屈曲下行主治肺熱咳嗽吐衄妄行胃火作痛面赤鼻酸目赤耳瘡嘔噎及滿鬱熱淋閉腸

紅痢氣一切鬱遏之火小便泄去及治虛熱發渴病
後津血已亡胃腑無潤同知母治煩躁蓋煩屬肺氣
山梔王之躁屬腎血知母至之

取圓小者良炒去穢
氣帶性用不宜太過

知母 屬陰中有微陽 體潤 色淡黃 氣和

味苦畧辛 性涼 能升能降 力清火滋陰

性氣與味俱平 入肺胃腎三經

知母味微苦畧辛蓋苦能堅腎辛能潤腎滋養腎水
獨擅其長主治腎虛火動陰火攻冲虛勞痰嗽有汗
骨蒸往來勞熱咽痒心煩蓋腎水生則虛火降諸症

自愈。取其體潤。滋肺性涼。清肺以療久瘧。煩熱。熱病瘵後。產後。蓐勞。久嗽。無痰。有生津除熱之功。因其色黃。入陽明經。以瀉胃熱。用在白虎湯。治邪熱入胃。胃火燔燥。消渴熱中。又治煩躁不睡。蓋煩屬肺氣。躁屬腎血。以此清胃。即清肺腎之源。則煩躁自止。與黃栢並用。非爲降火。實能助水。與貝母同行。非惟清痰。專爲滋陰。但脾虛便瀉。忌之。

取肥大清白者佳。畧炒去外毛。用調細油黑者不用。

黃栢 屬陰中有微陽 體皮乾 色黃 氣和

味大苦 性寒 能降 力清腎火 性氣與味

俱厚而燥。入腎與膀胱二經。

黃栢樹高數丈。其皮從上直下。味苦。入骨。是以降火。能自頂至踵。淪膚徹髓。無不週到。專瀉腎與膀胱之火。蓋腎屬寒水。水少則漸消涸竭。則變熱。若氣從臍下起者。陰火也。內經曰。腎欲堅。以苦堅之。堅卽爲補。丹溪以此一味。名大補丸。用鹽水製。使鹽以入腎。主降陰火。以救腎水。用蜜湯拌炒。取其慈膩而不驟下。治五心煩熱。目痛。口瘡。諸症。單炒。褐色。治腸紅痔漏。遺精白濁。濕熱黃疸。及膀胱熱。臍腹內痛。凡屬相火。用此。誦之。腎自堅固。而無狂蕩之患。因味苦能走骨。

能沉下用酒拌炒四物湯講服領入血分治四肢骨節走痛足膝酸疼無力遍身惡瘡及脚氣攻冲嘔逆惡心陰虛血熱火起於足者蓋此一味名潛行散能瀉陰中之火亦能安蛔蟲以苦降之之義也

取川產肉厚深黃色者佳去粗皮用

地骨皮 屬純陰 體輕 色蒼 氣和 味大苦

性寒 能浮能沉 力除有汗骨蒸 性氣薄而

味厚 入肺腎三焦三經

地骨皮皮能散表外祛無定虛邪苦能入骨內除有汗骨蒸取其體輕能浮沉上下上理頭風痛中去胸

脇氣下利大小腸通能奏効入瀉白散清金調氣療
肺熱有餘咳嗽同養血藥強陰解肌調痘瘡不足皮
焦以其性大寒酒煎二兩治濕熱黃疸最為神効牡
丹皮能去血中之熱地骨皮能去氣中之熱別宜而
用但虛寒者忌之

去內骨及土用。○足指及足底惡毒用鮮地骨皮
煎湯薰之竟日卽有黃水出薰二三日腫退愈

滑石 屬陰中有陽

金水
與土

體膩滑而重 色白

氣微香 味淡 性涼 能沉 力利六腑 性

氣輕而味厚 入小腸膀胱脾胃四經

滑石體滑主利竅味淡主滲熱能蕩滌六腑而無尅

伐之。欬主治暑氣煩渴。胃中積滯。便濁澁痛。女人乳
汁不通。小兒疹毒發渴。皆利竅滲熱之力也。如天令
濕淫太過。小便癃閉。入益元散。佐以硃砂。利小腸最
捷。要以口作渴。小便不利。兩症並地。為熱在上。焦肺
胃氣分。以此利水下。行煩渴自止。若渴而小便自利
者。自內津液少也。小便不利而口不渴者。是熱在下
焦血分也。均非宜用。且體滑胎前亦忌之。

反白色細脈者。良劑去浮黃
土湯。救危瘵潰爛甚妙。

芒硝

屬純陰

有金

體潤

色白

氣和

味鹹

云苦辛
皆非

性大寒

能降

力軟堅瀉熱

性氣

輕而味重 入肺胃大腸三經

芒硝體本水化。稟陰精凝聚。煎汁結如鋒芒。名曰芒硝。味鹹軟堅。故能通燥結。性寒降下。故能去火鑠主。治時行熱狂。六腑邪熱。或上焦膈熱。或下部便堅。經曰熱淫於內。治以鹹寒。用此爲君。鄰以水尅火也。佐以苦辛。與大黃苦辛之品相須而治。因鹹走血。亦能通經閉。破蓄血。除痰癖。有推陳致新之功。惟疹子忌用。恐熱寒內凝。不能發出。

若產後胞衣不下。用硝三錢。加牛膝歸尾各五錢。酒煎。童便入。童便一杯。熱飲立下。

初名朴硝。煎製爲芒硝。再煎提爲玄明粉。仲景只用芒硝。立冬後煎。乃得凝結。計硝十斤。用水十斤。

蘿蔔十斤煎至葡萄熟爛爲度去葡萄傾硝入缸隔宿去水卽成芒硝照法再煎兩三次爲玄明粉

大黃

屬純陰

有土與水

體潤

色黃

氣雄而香

味大苦蒂辛

性大寒

能沉

力瀉實熱

性

氣與味俱重濁

入胃與大小腸胞絡膀胱五經

大黃苦重能沉帶辛散結氣味重濁直降下行走而不守有新開奪門之力故號爲將軍專攻心腹脹滿腸胃蓄熱積聚痰實便結瘀血女人經閉蓋熱淫內結用此開導陽邪宜通澁滯奏功獨勝如積熱結久大便堅實閉風難以取下又藉芒硝味鹹軟堅兩者相須而用凡內傷外感積久皆變成燥燥甚爲熱

熱極爲火三者屬陽邪銷鑠腸胃最烈而速遂使濁陰不降清陽不升諸症蜂起若用硝黃如開門放賊急須驅逐宜以生肝則能速通腸胃製熱以酒性味俱減僅能緩以潤腸勿畏而不用亦勿輕而悞施全在對證用藥貴乎多少合宜斯爲神手

川產氣香
堅實者佳

石蓮肉 屬純陰 體乾實 色肉白壳黑 氣和
味大苦帶澁 性寒 能沉 力清心 性氣輕
而味重 入心胞絡肺胃四經
石蓮肉生水冲一名藕實味苦清火帶澁歛熱下行

善解憂愁抑鬱心火上炎而尅肺金。主治口苦咽乾。五心煩熱及心虛生熱痢疾口噤便濁遺精。上能清養心肺。下能收攝腎水。心腎不交用爲良劑。若晝則發熱夜則安靜是熱在氣分。以此同參芪爲清心蓮子飲退熱甚效。

莖硬如石故名石蓮。去壳敲碎用。

胡黃連 屬純陰 體乾而輕 色紫 氣和 味

大苦 性寒 能沉 力涼血 性氣薄而味厚

入肝膽胃三經

胡連色紫味苦獨入血分而清熱。主治血虛骨蒸。五

心煩熱。口脯肌熱。臟毒痔瘡。小兒驚癇疳積。丹溪云。蒸蒸發熱。皆積做成。此能涼血益陰。其功獨勝。若夜則發熱。晝則明了。是熱在血分。以此佐壽歸。爲四物二連湯。除熱神妙。又善解巴豆之毒。

膽草瀉肝火。爲疏熱利下之品。

牛旁清肝火。爲解壅理上之品。

黃連抑心火。爲清熱厚腸之品。

速翹涼心火。爲利膈散結之品。

犀角清心火。爲涼血益肝之品。

石膏退胃火。爲解肌止渴之品。

黃芩瀉肺火爲涼膈清腸之品
山梔降肺火爲清胃除煩之品
知母清腎火爲潤肺滋陰之品
黃柏降腎火爲補陰降火之品
骨皮涼腎火爲清肺退熱之品
滑石導六腑爲利竅滲熱之品
芒硝清三焦爲軟堅潤燥之品
大黃瀉大腸爲去實通滯之品
石蓮清氣熱爲除盡鬱火之品
胡蓮涼血熱爲退夜骨蒸之品

藥品化義卷九終

藥品化義卷十

鴛洲賈所學九如輯著

趙郡李延是期叔補訂

燥藥

秦艽 屬陰中有微陽 體微潤 色淡黃 氣香

味苦微辛 性涼 云微潤非 能升能降 力潤燥和

血 性氣薄而味厚 入胃大腸肝膽四經

秦艽味苦能降帶辛能潤又氣香而性涼故獨專治

燥蓋燥因血熱漸至血虧大腸木屬陽明燥金若血

液衰耗則大便乾結煎熬肺金不生腎水至肺腎腸

胃俱錄諸症蜂起咽乾口渴煩悶痞滿皮膚燥痒通
身掣急肢節酸痛及牙疼眼溢浮腫黃疸疔積酒毒
腸紅痔漏皆宜用此清利臟腑而不推盪眞良品也
且助天麻治風熱頭暈同柴胡療骨蒸潮熱合紫苑
瀉腸利便佐牛膝利血滋陰俱有神效

去蘆頭
沙土用

麻仁 屬陰 體肉潤 色內白皮蒼 氣和 味

甘 性平 能升能降 力潤氣燥 性氣薄而

味厚 入肺與大腸二經

麻仁味甘能潤腸體潤能去燥專利大腸氣結便閉

凡老年血液枯燥產婦氣血不順病後元氣未復或
稟弱不能運行皆治大便閉結不通不宜推盪亦不
容久閉以此同紫苑杏仁潤其肺氣滋其大腸則便
自利矣

新包浸沸湯中少泡之取起拔去
壳取仁用或連皮敲碎入藥亦可

童便與陰同類善通血脈能降火委曲下行滋陰
抑陽清潤三焦傷寒湯中用人尿引薑附入少陰
而無格拒之患經曰必同其氣可使平也

蜂蜜採百花之精味甘主補滋養五臟體滑主利
潤澤三焦如怯弱嗽咳不止精血枯稿肺焦葉舉

致成肺燥之症。寒熱均非。諸藥鮮效。用老蜜日服
兩許。約月未有不應者。是燥者潤之之義也。生用
通利直腸。老年便結。更宜服之。
秦艽主清燥。爲血熱滋陰之品。
麻仁主潤燥。爲氣熱利腸之品。

藥品化義卷十一

駕洲賈所學九如輯著

趙郡李延是期叔補訂

風藥

綠黃 屬純陽 體輕中空 色綠 氣微腥 味

辛微苦 性溫 能升能降 力發表 性氣輕

而味薄 入肺大腸胞絡膀胱四經

麻黃枝條繁細細主性銳形體中空空通腠理性味

辛溫辛能發散溫可去寒故發汗解表莫過於此屬

足太陽膀胱經藥治傷寒初起皮毛腠理寒邪壅遏

榮衛不得宣行。惡寒拘急。身熱躁盛。及頭腦巔頂。頭
頂脊中。腰背遍體。無不疼痛。開通腠理。爲發表散邪
之主藥。但元氣虛弱。及勞力感寒。或表虛者。斷不可
用。倘誤用之。自汗不止。筋惕肉瞤。爲亡陽症。難以救
治。至若春分前後。玄府易開。如患足太陽經症。彼時
寒變爲溫病。量爲減用。入六神通解散。通解表裏之
邪。則榮衛和暢。若夏至前後。陽氣浮於外。膚腠開泄。
人皆氣虛。如患足太陽經症。寒又變熱病。不可太發
汗。使真氣先泄。故少用四五分。入雙解散。微解肌表。
大清其裏。此二者。乃劉河間玄機之法。卓越千古。若

四時暴感風寒閉塞肺氣爲咳嗽聲啞或鼻塞胸滯
或喘急痰多用入三拗湯以發散肺邪奏功甚捷若
小兒疹子當解散熱邪以此同杏仁發表清肺大有
神效

羌活

屬陽中有微陰

體輕而虛

色紫

氣香

而雄

味辛苦

云甘非

性微溫

能升能降

力

發散

性氣重而味輕

入膀胱小腸肝腎四經

羌活氣雄味辛發汗解表屬足太陽膀胱經藥自頭

至髓大無不通小無不入透利關節最捷若多用主

散邪凡風寒濕氣惡寒發熱頭疼體痛以此發泄腠

璽爲撥亂反正之主。若少用能利竅。凡周身骨節痰
痛風熱及中風癱瘓手足不遂。以此疏通氣道爲活
血舒經之佐。痘家用之善能運毒走表追膿。又消諸
毒熱。蠱解百節疼痛。獨活氣香而濁善行血分之邪。
羌活氣雄而清善行氣分之邪。

紫蘇葉

屬純陽

體輕

色紫

氣香

味辛

性溫而銳

能升能降

力發表

性氣與味俱

薄

入肺與膀胱大小腸四經

蘇葉屬陽爲發生之物辛溫能散氣薄能通味薄
發泄專解肌發表療傷風傷寒及瘧疾初起外感霍

亂濕熱脚氣凡屬表症放邪氣出路之要藥也丹溪
治春分後溫熱病頭疼身熱脊強目痛鼻乾口渴每
以此同葛根白芷入六神通解散助其威風發汗解
肌其病如掃取其辛香以治抑鬱之氣停滯胸膈入
心氣飲開心胸鬱熱神妙如寒滯腹痛火滯痢疾濕
滯泄瀉少佐二三分從內畧爲疏解最爲妥當參蘇
飲治虛人感冒風寒方中一補一散古人良有深意
如不遵其義減去人參或服之不應或邪氣未散而
正氣先虛須知用藥得法全在君臣佐使之間此獨
制魚蝦螃蟹之毒如過傷其味者解之

取葉用兩面紫
色者佳，便另載。

薄荷葉 屬陽 體輕 色綠 氣香而清 味辛

微苦 性涼而銳 力疏利上部 性氣厚而味

輕 入肺肝二經

薄荷味辛能散，性涼而清，通利六陽之會，首祛除諸熱之風邪。取其性銳而輕清，善行頭面，用治失音、療口齒清咽、喉同川芎達巔頂，以導壅滯之熱。取其氣香而利竅，善走肌表，用消浮腫，散肌熱，除背癢，引表藥入榮衛，以疏結滯之氣。入藥每劑止用二三分，勿太過，令人汗出不止，表虛者慎用。

取蘇產爲龍
脂薄荷良

柴胡 屬陰中有微陽 體乾 色皮蒼內黃帶白

氣和

味微苦

非云甘

性涼

能升能降

力疏

肝散表

性氣與味俱輕

入肝膽三焦胞絡經

柴胡性輕清主升散味微苦主疏肝若多用二三錢

能祛散肌表屬足少陽膽經藥治寒熱往來瘵瘡疾

除剽熱若少用三四分能升提下陷佐補中益氣湯

提元氣而左旋升達參芪以補中氣凡三焦膽熱或

偏頭風或耳內生瘡或潮熱膽痺或兩脇刺痛用柴

胡清肝散以疏肝膽之氣諸症悉愈凡肝脾血虛骨

第... 卷十一

蒸發熱用逍遙散以此同白芍抑肝散火恐柴胡性
涼製以酒拌須入血分以清抑鬱之氣而血虛之熱
自退若真臟虧損易於外感復受邪熱或陰虛勞怯
致身發熱者以此佐滋陰降火湯除熱甚効所謂內
熱用黃芩外熱用柴胡爲和解要劑

取莖長而細軟者佳仲景定湯方
有大小之名紫胡原無大小之別

葛根

屬陽中有陰

體乾

色白

氣和

味甘

性涼

寒

能升

力涼胃解肌

性氣與味俱輕

入胃與大腸二經

葛根根至上升甘主散表若多用二三錢能理肌內

之邪開發腠理而出汗屬足陽明胃經藥治傷寒發熱鼻乾口燥目痛不眠瘡疾熱重蓋麻黃紫蘇專能攻表而葛根獨能解肌耳因其性味甘涼能鼓舞胃氣若少用五六分治胃虛熱渴酒毒嘔吐胃中鬱火牙疼口臭或佐健脾藥有醒脾之力且脾主肌肉又主四肢如陽氣鬱過於脾胃之中狀非表症飲食如常但肌表及四肢發熱如火以此同升麻柴胡防風羌活升陽散火清肌退熱薛立齋常用神劑也若金瘡若中風若瘧病以致口噤者搗生葛根汁同竹瀝灌下俾醱乾者爲末酒調服亦可痘瘡難出以此發

之甚捷。

取肉白如粉者良。

升麻 屬陰中有陽 體輕 色綠 氣和 味苦

辛 云甘非

性平 云寒云溫皆非

能升 力升解 性氣

輕而味重 入脾胃大腸三經

升麻 體根 根主上升 性氣輕浮 善提清氣 少用佐參

芪 升補中氣 柴胡引肝氣 從左而上 升麻引胃氣 從

右而上 入補中益氣湯 有鼓舞脾元之妙 使清陽之

氣上升 而濁陰之氣下降 其味苦辛 多用亦有發表

解肌之功 又其質空通 善引參芪 益氣聰明 合柴胡

治火鬱。五心煩熱。若勞碌傷神。及肺有伏火者。恐升動陽氣。助火生痰。忌之。

取青綠色者佳。黑色者勿用。

白芷 屬陽 體重 色白 氣香 味辛 性溫

能升能降 力走肌疏散 性氣與味俱厚 入

肺胃大腸三經

白芷色白氣香味辛性溫。俱屬於陽。屬足陽明胃經。藥升頭面。通九竅。走肌肉。爲疏風要品。用治春分後。熱病助六神通解散。奏功甚捷。療風寒頭痛。頭風侵。目眩。目痒。肺熱鼻塞。胃熱齒痛。皮膚燥。

痒皆利竅散邪之力也。因能走肌達表佐活命飲治諸癰腫宣通毒氣若痘瘡無膿作痒以此排膿虛寒不起以此升發但香燥耗血辛散損氣不宜久用。

白芷合大黃等分名宜毒散治一切腫毒一服即消。白芷一味爲末三錢并水調治諸骨節神效。

防風 屬陽 體輕微潤 色黃 氣和 味甘微

辛 性微溫 能升能降 力疏肝 性氣與珠

俱薄 入肺脾肝膀胱四經。

防風氣味俱薄善升浮走表卑賤之品隨所引而至爲風藥之使若多用主散治在表陽分風邪清頭目滯氣療脊痛項強解肌表風熱以其辛甘發散之力。

也。若少用，主利竅，治週身骨節疼痛，四肢攣急，經絡鬱熱，及中風半身不遂，血脈壅滯，以其透利關節之功也。又取其風能勝濕，如頭重目眩，骨痛腰酸，腿膝發腫，及脾濕泄瀉，濕熱生瘡，一切風濕證，爲風藥中之燥劑也。同白芷入活命飲，治諸毒熱癰，亦能散邪逐毒。用蜜炙，防風同黃芪，去痘瘡發痒，用酒洗，防風合白芍，又發痘瘡不起，因善疏肝氣之故。

產山東，取粗大堅實，內金井玉樹，潤澤者佳。南產色白者不堪用。

荆芥 屬陽中有陰 體輕 色青 氣雄 味辛 兼苦 性涼 能升能降 力涼血疏風 性氣

厚而味輕。入肝經。

荊芥味辛能疏風兼苦能涼血若生用解散風邪清利頭目發散壅滯療頭風眩暈目痛齒痛咽痛口瘡願腫瘡瘍痛痒痘瘡不起皆取疏散之意也若炒黑用須炒極黑存性治腸紅下血女經崩漏產後血暈取其涼血及血遇黑則止之義也因肝喜疏散以此入血分善搜肝中結滯之氣丹溪用治產後良有深意。

前胡 屬陰中有陽 體乾微潤 色淡黃 氣厚

味苦而辛

云甘

性涼

云微寒微

能降

力散

熱痰

性氣與味俱厚

入肺胃二經

前胡味苦而辛。苦能下氣。辛能散熱。專主清風熱。理肺氣。瀉熱痰。除喘嗽。痞滿。及頭風痛。補心湯中用之。散虛痰。洞然湯中用之。治暴赤眼。皆爲下氣散熱之功也。

獨法 屬陰中有微陽 體輕 色蒼 氣香而濁

味苦微辛

性微溫

能沉能浮

力除風濕

性氣與味俱重

入心肝腎膀胱四經

獨活氣香而濁。味苦而沉。能宣通氣道。自頂至膝。以散腎經伏風。凡頸項難舒。臂腿疼痛。兩足痿痺。不能

動移非此莫能効也。取其香氣透心，用爲心經引藥。療赤眼痛，因其枝莖遇風不搖，能治風。風則勝濕，專疏濕氣。若腰背酸重，四肢攣痠，肌黃作塊，稱爲良劑。又佐血藥，活血舒筋，殊爲神妙。

蔓荊子 屬陰中有微陽 體乾而細 色青 氣

和 味苦畧辛 云甘 性涼 能升 力疏風熱

性氣與味俱薄 入肝與膀胱二經

蔓荊味苦兼辛，能疏風涼血，利竅。凡太陽經頭痛及頭風、腦鳴、目淚、目昏，皆血熱風淫所致。以此涼之散之，取其氣薄主升，佐神効黃芪湯，疏去障翳，使目復

先為肝經勝藥

葳靈仙

屬陰

木

體乾

色黑

氣和

味微苦

云甘云辛
鹹皆非

性涼而急

能升能降

力疏風氣

性氣與味俱輕

通行十二經

靈仙體細條繁性猛急善走而不守宣通十二經脈
主治風濕痰壅滯經絡中致成痛風走注骨節疼痛
或腫或麻木風勝者患在上濕勝者患在下二者鬱
遏之久化為血熱血熱為本而痰則為標矣以此疏
通經絡則血滯痰阻無不立豁若中風手足不遂以
此佐他藥宣行氣道酒拌治兩臂痛因其力猛亦能

軟骨以此同芎歸龜甲血餘治臨產交骨不開驗如
影響以此合沙糖酒煎治骨髓咽喉若有神助取味
苦降下頓除下部脚腫

細辛

屬陽

體乾

色蒼

氣香

味辛

性溫

能升

力開竅

性氣與味俱厚

入肺心腎三

經

細辛味辛性溫若寒邪入裏而在陰經者以此從內
托出佐九味羌活湯發散寒邪快捷因其氣味辛香
故能上升入芎辛湯療目痛後羞明畏日應澁難開
合通竅湯散肺氣而通鼻竅佐清胃湯祛胃熱而止

牙疼此熱藥入寒劑蓋反以佐取之之義也但辛溫助火多用則氣閉不通每劑止三四分耳

取遠產者佳水淨用揀

去雙葉者服之害人

藥字味辛氣性上行齒痛入太陽膀胱經治寒邪鬱結頭頂連齒痛味又帶苦亦能降下佐秦艽羌活湯以療痔瘡皆辛溫散邪開結之力也

香薷

屬陽

有全與水

體輕

色青

氣香

味辛

性微溫能升能降力解暑邪性氣與味俱

輕清入肺胃二經

香薷味辛氣香辛香主散體質輕揚輕可去實善下氣解暑散熱夫暑者陽氣也陽邪內侵謂之伏暑若

暑傷心肺則引飲口燥煩悶咽乾惡心暑傷脾胃則
腹痛霍亂吐利以此消解使心肺得之清化之氣行
使脾胃得之鮮熱之火降香薷飲須煎冷服經曰治
溫以清冷而行之火令炎蒸流金燍石入井水沉冷
服之取冷而行之之義也但脾虛人或有慾事者及
女經適來又當禁用取其氣味輕清此爲清藥解散
熱邪調中清胃能除口臭撥濁回清此亦通氣藥勝
膀胱氣化則小便利治水腫甚捷若夏月乘涼飲冷感
陰邪者恐悞認暑証切忌之

生薑

屬陽

體潤

色黃

氣雄

味大辛

性

熱云濕非

能升

力發散

性氣與味俱厚而猛

入脾胃三經

生薑辛竅單用善豁痰利竅止寒嘔去穢氣通神明助蔥白頭大散表邪一切風寒濕之症合黑棗味甘所謂辛甘發散爲陽治寒熱往來及表虛發熱佐燈心通竅利肺氣寧咳嗽入補脾藥開胃和脾止泄瀉取薑皮辛涼勿大發散有退虛熱之功

善制青星
半夏毒

蔥頭

屬陽

體潤

色白

氣臭

味大辛

性

溫

能升

力發散

性氣與味俱厚而濁

入

脾胃二經

葱頭去青止用白頭辛溫通竅專主發散凡一切表邪之症大能發汗逐邪疏通關節蓋風寒濕之氣感於皮膚經絡之間而未深入臟腑之內宜速去之開發毛竅放邪氣出路則榮衛通暢但發表之意用法不同須知溫熱寒涼皆能通表解散若外感風寒邪止在表加入麻黃羌活紫蘇白芷辛溫之劑專主發散若內蓄鬱熱邪遏在表加入寒涼與辛溫並用之劑一則清腸胃而祛積熱一則開玄府而逐鬱邪故有雙解通解之義若邪在半表半裏加入柴胡葛根

苦涼之劑以和解之。如用之無法留邪於內則費力不易治矣。

葱頭同黃芩煎湯洗瘡毒能去腫毒。○葱頭入蜜搗爛敷火丹甚效。但葱蜜不可同食。

麻黃主發汗爲散寒攻邪之品。
羌活主散邪爲行氣疏經之品。
紫蘇主發表爲除寒退熱之品。
薄荷主疏風爲清陽導滯之品。
柴胡主解肌爲清胃止渴之品。
升麻主升發爲開提清氣之品。
白芷主達表爲走竅宣毒之品。

防風主表邪爲散肝行氣之品
荆芥主疏氣爲搜肝涼血之品
前胡主清熱爲開痰下氣之品
獨活主除濕爲行血舒筋之品
蔓荊主散氣爲清肝去障之品
靈仙主疏經爲通氣活血之品
細辛主祛邪爲利竅攻寒之品
香薷主清暑爲除煩導水之品
生薑主走表爲祛邪益脾之品
蔥頭主通竅爲徹寒逐邪之品

藥品化義卷十二

鴛洲賈所學九如輯著

趙郡李延是期叔補訂

濕藥

蒼朮

屬陽中有微陰

體乾

色蒼一氣香而雄

味辛微苦。性溫而燥烈。能升能降。久燥濕

散邪。性氣與味俱厚。入脾胃二經。

蒼朮味辛主散。性溫而燥。燥可去濕。專入脾胃。主治風寒濕痺。山嵐瘴氣。皮膚水腫。皆辛烈逐邪之功也。純治三部之濕。若濕在上焦。易生濕痰。以此燥濕行

痰濕在中焦滯氣作瀉以此寬中健脾濕在下部足膝痿軟以此同黃柏治痿能令足膝有力取其辛散氣雄用之散邪發汗極其暢快合六神散通解春夏溫熱病佐柴葛解肌湯表散瘧疾初起若熱病汗下後虛熱不解以此加入白虎湯再解之一服如神汗止身涼繆仲淳用此一味爲末治脾虛蠱脹妙絕稱爲仙木

取細實南產者良如顆大者不堪用糯米泔水浸一二日切片人米粉或糠拌炒去內霜

草蘇 屬陽中有微陰 體乾而實 色白 氣和 味甘帶苦 性涼 能降 力除濕 性氣與味

俱薄 入脾胃二經

草薢性味淡薄。長於滲濕。帶苦亦能降下。主治風寒濕痺。男子白濁。莖中作痛。女人白帶。病錄胃中濁氣下流所致。以此入胃驅濕。其症自愈。又治瘡痒惡廔。濕鬱肌腠。營衛不得宣行。致筋脉拘攣。手足不便。以此滲去脾濕。能令血脉調和也。

漢防己 屬陰中有陽 體乾而實 色黃 氣和

味苦帶辛 性寒 云溫非 能沉 力理濕 性氣

薄而味厚 通行十二經

防己味苦主沉。能瀉濕熱。帶辛主散。能消滯氣。善祛

熱下行。使腰以下至足血分中濕熱壅滯。主治陽實水腫。小便不利。腿足腫痛。腰膝重墜。脚氣等證。

產漢中黃實

而香者佳

茵陳微辛亦能除濕性味俱輕從上導下利水清熱專治黃疸

蒼朮主燥濕爲散邪平胃之品

草薢主滲濕爲去濁分清之品

防己主除濕爲清熱通滯之品

濕之爲病所感不同外感濕氣多患頭重目眩骨節疼痛腿膝發腫脚氣腰疼偏墜疝氣用蒼朮燥濕以風藥佐之內傷濕氣多患腫脹腹滿嘔噦泄

流手足酸軟。四肢倦怠。喘嗽濕痰。用草薢滲濕。以
利水藥佐之。延久則鬱而爲熱。熱傷血。不能養筋。
則拘攣疼痛。又當熱治。用防已疏通。以清火藥佐
之。

藥品化義卷十三

鴛洲賈所學九如輯著

趙郡李延是期叔補訂

寒藥

附子 屬純陽 體重而大實 色肉微黃皮黑

氣雄壯 味辛 性大熱而烈 能浮能沉 力

溫經散寒 性氣與味俱厚 通行諸經

附子味大辛氣雄壯性悍烈善走而不守流通十二
經無不週到主治身不熱頭不痛只一怕寒四肢厥
逆或心腹冷痛或吐瀉或口流冷涎脈來沉遲或脈

微欲脫。此大寒直中陰經。宜生用以回陽。有起死呼
吸之功。如腎虛脾損。腰膝軟弱。滑瀉無度。及真元不
足。頭暈氣喘而短。自汗勿止。炮用以行經絡。入補藥
中。少爲引導。有扶元再造之力。如腰重脚腫。小便不
利。或肚腹腫脹。或喘急痰盛。已成蟲症。以此入濟生
腎氣丸。其功驗妙。不能述。此乃氣虛陽分之藥。入陰
虛內熱者服之。禍不旋踵。懷孕禁用。

取黑皮頂全圓正者佳。一枚重一兩外。力大可用。
製用童便浸三日。一日換二次。再用甘草同煮熟。

桂 屬純陽 體乾肉桂厚桂枝薄 色紫 氣香

麻 味肉桂大辛桂枝甘辛 性熱 能浮能沉

力走散。性氣與味俱厚。入肝腎膀胱三經。
桂止一種。取中半以下。最厚者爲肉桂。氣味俱厚。厚
能沉下。專主下焦。因味大辛。辛能散結。善通經逐瘀。
其性大熱。熱可去寒。療沉寒陰冷。若寒濕氣滯。腰腿
痠疼。入五積散。溫經散。寒若腎中無陽。脈脫欲絕。佐
地黃丸。溫助腎經。若陰濕腹痛。水瀉不止。合五苓散。
通利水道。取中半以上。枝幹間最薄者。爲桂枝。味辛
甘。辛能解肌。甘能實表。經曰。辛甘發散。爲陽。用治風
傷衛氣。自汗發熱。此仲景桂枝湯意也。其氣味俱薄。
專行上部分。能領藥至痛處。以除肢節間痰凝血。

滯確有神効。但孕婦忌用。

乾薑 屬純陽 體乾而堅 色黃 氣雄竄 味

大辛 性熱 能浮能沉 力溫中氣 性氣薄

而味厚 入肺脾腎三經

乾薑乾久體質收束氣則走泄味則含蓄比生薑辛熱過之所以止而不行專散裏寒如腹痛身涼作瀉完穀不化配以甘草取辛甘合化爲陽之義入五積散助散標寒治小腹冷痛入理中湯定寒霍亂止大便溼瀉助附子以通經寒大有回陽之功君參朮以溫中氣更有反本之功生薑主散乾薑主守一物大

相迥別孕婦勿用

炮薑 屬陽中有微陰 體輕 色黑 氣和 味

苦辛 性溫 能守 力退虛熱 性氣與味俱

輕 入肺脾肝三經

炮薑煨黑味本辛熱變爲苦溫發散之性已去所以
守而不移用入肝經血分蓋肝本溫虛則涼以此溫
養肝經退虛熱加二三片助逍遙散療血虛發熱有
汗神熱又能溫脾經治泄瀉日久陰虛血陷於下以
此佐補陰藥領血上行使血自止因肝藏血產後敗
血過多致肝虛熱驟盛用二三片以溫肝藏表熱

此丹溪妙法非玄機之也。熟能至此。

用老薑以濕粗紙包裏煨黑或炒黑亦可。

小茴香 屬陽 體輕而細 色青 氣香 味辛

性溫 能沉 力溫散 性氣厚而味薄 入腎

肝膀胱三經

茴香辛香能散邪。性溫能去寒。氣厚能沉下。專入腎。膀胱下部。主治陰囊冷痛。濕氣成疝。腎虛腰痛。不能轉側。血虛腿痛。不能行動。製用鹽炒。香蓋鹽以入。酒引陽道。香能通氣。助滋陰藥。溫肝腎。開元氣。奏效甚捷。

吳茱萸辛熱能代附子溫腎經。同肉蓯蓉補子少陰。
爲四神丸治腎瀉。合黃連爲左金丸治吞吐酸水。
附子主回陽爲攻寒補氣之品。
肉桂主溫經爲通脈行滯之品。
乾薑主理中爲復陽散寒之品。
炮薑主守中爲扶陰退熱之品。
茴香主通氣爲下部醒痛之品。

金陵黃德公刊刻